

Ugovorni organ, Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo, ID broj: 4200288400001, koga zastupa **direktor Prim. dr. Zlatko Kravić** (u daljem tekstu: Kupac)

i

„HIFA“ d.o.o. Tešanj, ulica, Bukva broj 9, 74260 Tešanj, ID broj: 4218015000007, PDV broj: 218015000007, Transakcijski račun: 3385502200036621 otvoren kod UniCredit bank d.d. Poslovnica Tešanj, koga zastupa **direktor Mr. sc. Muris Hadžimehić, dipl.oec.** (u daljem tekstu: Dobavljač)

sklopili su sljedeći

OKVIRNI SPORAZUM ZA NABAVKU GORIVA I MAZIVA

UVODNE ODREDBE

Član 1.

Na osnovu provedenog konkurentskog zahtjeva za dostavu ponuda broj JN-3/19 s namjerom sklapanja Okvirnog sporazuma za nabavku goriva i maziva u trajanju od 1 (jedne) godine, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je kao prvorangiranu ponudu, u skladu sa postavljenim kriterijem za dodjelu ugovora („najniža cijena“), odabrao ponudu ponuđača „HIFA“ d.o.o. Tešanj broj: P0150/2019 od 30.01.2019. godine,

Obrazac za cijenu ponude sa jediničnim cijenama odabranog ponuđača (ponuda ponuđača broj: P0150/2019 od 30.01.2019. godine) je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje ugovora o nabavi goriva i maziva (u daljem tekstu: pojedinačni ugovori) između Kupca i Dobavljača.

Količine navedene u Obrascu za cijenu ponude iz člana 1. stav 2. ovog Okvirnog sporazuma su okvirne i zavisit će o raspoloživim finansijskim sredstvima i potrebama Kupca. Kupac se ne obavezuje da će količine iskazane u Obrascu za cijenu ponude iz Priloga ovog Okvirnog sporazuma biti realizirane u potpunosti.

Dobavljač se obavezuje da će vršiti isporuku goriva i maziva u skladu sa tenderskom dokumentacijom i svojom ponudom.

Član 3.

Okvirni sporazum sklapa se na rok od 1 (jedne) godine.

Na zahtjev Kupca, Dobavljač će sa istim zaključiti ugovor i isporučivati gorivo i mazivo, pod uslovima određenim ovim Okvirnim sporazumom do njegovog isteka.

SKLAPANJE UGOVORA NA OSNOVU OKVIRNOG SPORAZUMA

Član 4.

Kada se utvrdi potreba za nabavkom goriva i maziva, sačinjava se specifikacija i spisak roba sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Odjeljenje za pravne, kadrovske i opće poslove sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

Ukoliko sadrži sve bitne sastojke ugovora, narudžbenica izdata na osnovu uslova iz ovog Okvirnog sporazuma, ima isti učinak kao i pojedinačan ugovor.

Ukoliko zaprimljenu narudžbenicu Dobavljač ne odbije do kraja radnog dana u kojem je primio narudžbenicu smatrat će se da je istu prihvatio, te da je ugovor sklopljen u trenutku zaprimanja narudžbenice.

Dobavljač može odbiti narudžbenicu samo u slučaju da ista nije u skladu sa tenderskom dokumentacijom za nabavku, odabranom ponudom i ovim Okvirnim sporazumom.

U slučaju povrede ugovornih obaveza nastalih izdavanjem narudžbenice na osnovu Okvirnog sporazuma, Kupac može raskinuti ugovorni odnos pisanim putem ili na drugi dokaziv način.

ROK ISPORUKE

Član 5.

Isporuka robe će se vršiti tokom trajanja Okvirnog sporazuma u skladu sa potrebama ugovornog organa u količinama koje će se odrediti prilikom svake isporuke.

Rok za isporuku robe je odmah po prispjeću vozila ugovornog organa na benzinsku pumpu Dobavljača.

MJESTO ISPORUKE

Član 6.

Robe koje su predmet nabavke će se isporučivati na benzinskoj pumpi/pumpama Dobavljača ili pumpi/pumpama koja mu je na raspolaganju na području Kantona Sarajevo.

CIJENA

Član 7.

Ukupna vrijednost Okvirnog sporazuma bez uračunatog PDV-a iznosi: 16.942,00 KM (slovima: šesnaesthiljadadevetstotinačetredesetdva i 00/100 KM) odnosno sa uračunatim PDV-om iznosi 19.822,14 KM (slovima: devetnaesthiljadaosamstotinadvadesetdva i 14/100 KM).

Jediniče cijene promjenjive su tokom primjene Okvirnog sporazuma i utvrđivat će se na način opisan u tenderskoj dokumentaciji za ovu nabavku.

Svi ostali uslovi zaključenog Okvirnog sporazuma su nepromjenjivi tokom njegove primjene.

Finansijska sredstva za predmetnu nabavku obezbjeđena su u skladu sa Planom nabavki za 2019. godinu broj 297-15/19 od 09.01.2019. godine (stavka 115.).

ROK PLAĆANJA

Član 8.

Kupac je dužan obaveze po računima platiti Dobavljaču uplatom na njegov žiro račun, u roku od 30 (trideset) dana od dana ispostavljanja računa za uredno isporučenu robu.

POVREDE UGOVORNIH OBAVEZA

Član 9.

U slučaju prekoračenja roka isporuke iz člana 5. ovog Okvirnog sporazuma Kupac ima pravo raskinuti pojedinačni ugovor uz naplatu kazne radi pretrpljene štete zbog kašnjenja isporuke i kršenja ugovornih obaveza od strane Dobavljača.

Ugovorna kazna u visini od 1% vrijednosti pojedinačnih ugovora, odnosno narudžbenice, naplatit će se u slučajevima:

- Isporuke neugovorenog goriva,

- Neotklanjanja nedostatka odmah nakon zaprimanja obavijesti i
- Povrede drugih obaveza preuzetih pojedinačnim ugovorom odnosno narudžbenicom.

GARANCIJA ZA UREDNO IZVRŠENJE OKVIRNOG SPORAZUMA

Član 10.

Dobavljač je dužan da u roku od 10 (deset) dana od dana zaključenja Okvirnog sporazuma dostavi безусловnu bankarsku garanciju za dobro izvršenje posla u iznosu od 10% vrijednosti Okvirnog sporazuma sa uračunatim PDV-om sa rokom važnosti: rok izvršenja ugovornih obaveza + 30 dana.

U slučaju da Dobavljač ne dostavi Garanciju za uredno izvršenje Okvirnog sporazuma u skladu sa odredbama iz tenderske dokumentacije, zaključeni Okvirni sporazum se smatra apsolutno ništavim.

OSTALE ODREDBE

Član 11.

U slučaju eventualnog spora proisteklog iz ovog Okvirnog sporazuma, strane će isti nastojati riješiti dogovorom, a u protivnom putem nadležnog suda u Sarajevu.

Ovaj Okvirni sporazum stupa na snagu danom potpisivanja obje sporazumne strane.

Član 12.

Ovaj Okvirni sporazum sastavljen je u 4 (četiri) istovjetna primjerka, od kojih 2 (dva) primjerka zadržava Dobavljač, a 2 (dva) primjerka Kupac.

Dobavljač
 „HIFA“ d.o.o. Tešanj
 DIREKTOR
 Mr. sc. Muhs Hadžimehić, dipl.oec.

Broj: 80330/2019
 Tešanj, 06.03.2019. godine

Kupac
 Javna ustanova Opća bolnica
 „Prim. dr. Abdulah Nakaš“
 DIREKTOR
 Prim. dr. Zlatko Kravić

Broj: 368-14/19
 Sarajevo, 22.02.2019. godine